

錄

仰

錄



標秀




願

以

丁未秋日

元昭敬書



加

送

明治四十年

敬



叙
北白川宮輝久王殿下曩在我時習舍
以就學于學習院殿下德夙成行爲
遠出於同舍生之名吾輩出常所欽仰
不措也頃者錄其行狀一斑以使在舍
生有所矜式此編是也顧華胄子弟其
才學德行注二不及士庶人者耳生長
富貴輕暖自足甘旨常飽是已逸豫自
處不曾知發志氣勵學業宜矣其不及
也殿下今在江田島海軍兵學校則其

異日大成可期而矣凡來人我舍者
讀此書以自奮於下風則其學業德行
必亦將有大可觀者焉嗚乎是豈獨我
舍出榮也矣
明治四十年十月
時習舍長大郎德敏謹識

玉木享敬書



一族子弟。明治三十年十二月。舉開校之式。委一切監督井上侯爵。以大村子爵爲舍長。寺島榮太郎爲舍監。而岡百世。田淵友彥。渡邊世祐。春日井佐五一。鈴木鐵藏等爲之教授。生員多名。門子弟。晝學於學習院若他校。夜則溫習所學。而舍規所重。特在去傲慢怠惰。奢侈淫靡之習。修節儉質樸。勤勉謙讓之德。以養成其性格高潔之風。今揭舍規一斑。令以知其概。

每晨五時三十分起。手鐵啞鈴行體操。凡十五分時間。五時四十五分至六時。浴於冷水。掃除居室。六時十五分振鈴爲號。上講堂以行朝禮。禮畢就食堂。各携行厨。登學習

院若他校。

午後三時。給茶及點心。四時至五時。上講武堂學柔道。五時三十分入食堂。食後取浴浴畢。散步近街。限以七時。七時至九時。溫習。或豫講明日所學之業。九時聞鈴上講堂。以行宵禮。九時三十分就寢。

井上侯爵每晨浴水。其間五十年。未嘗一日廢。其行血脈。強皮膚。大資健康。乃使塾生倣之。塾生皆名門子弟。其在家也。出入乘車。及入舍。使之徒步。食必麥飯。朝一菜一羹。晝肴一皿。夕一肴一蔬。每週日洋食二次。其行厨一日。糖果麵包。一日肉麵。侯爵曰。浴水徒步麥飯此三者。皆富豪子弟動所不

美とりなる竹のみその、萬代に。

なほもときはのかけそまけらん。

民部卿爲家

欽仰錄

初毛利元德公留心於教育。常憂其一族子弟教育未洽。父兄長上指導不得其宜。曰。凡我一族。勤學修業。紹述先德。莫或失墜。相與戮力。庶幾不墜家聲。可以報國恩之萬一矣。元昭公嗣立。乃遵遺訓。設家塾。命曰時習舍。蓋取之論語學而時習之語也。

元昭公謂我一族子弟。與他人群居。輯睦親和。切勵學業。長短相濟。此所謂他山之石。可以攻玉者。使人皆樹修身行道。齊家報國之基。於是貴族富豪子弟。欲入舍者。許之。不必限

一族子弟。明治三十年十二月。舉開校之式。委一切監督井上侯爵。以大村子爵爲舍長。寺島榮太郎爲舍監。而岡百世。田淵友彥。渡邊世祐。春日井佐五一。鈴木鐵藏等爲之教授。生員多名。門子弟。晝學於學習院若他校。夜則溫習所學。而舍規所重。特在去做慢怠惰。奢侈淫靡之習。修節儉質樸。勤勉謙讓之德。以養成其性格高潔之風。今揭舍規一斑。令以知其概。

每晨五時三十分起。手鐵啞鈴行體操。凡十五分時間。五時四十五分至六時。浴於冷水。掃除居室。六時十五分振鈴爲號。上講堂以行朝禮。禮畢就食堂。各携行厨。登學習

院若他校。

午後三時。給茶及點心。四時至五時。上講武堂學柔道。五時三十分入食堂。食後取浴浴畢。散步近街。限以七時。七時至九時。溫習。或豫講明日所學之業。九時聞鈴上講堂。以行宵禮。九時三十分就寢。

井上侯爵每晨浴水。其間五十年。未嘗一日廢。其行血脈。強皮膚。大資健康。乃使塾生倣之。塾生皆名門子弟。其在家也。出入乘車。及入舍。使之徒步。食必麥飯。朝一菜一羹。晝肴一皿。夕一肴一蔬。每週日洋食二次。其行厨一日。糖果麵包。一日肉麵。侯爵曰。浴水徒步麥飯此三者。皆富豪子弟動所不

堪。然使其堅忍心情。強壯軀幹。無過此者。

北白川宮輝久王殿下。故能久親王第三子也。明治三十五年三月十四日。入時習舍。時年甫十四。班學習院中學第二年級。殿下在舍凡四年。拮据勉勵。不敢一日懈。學藝之茂。品行之嚴。衆仰爲模範。咸曰。若殿下。自有此舍以來。未嘗見之。可以知其爲人矣。

當今學生不論男女。節儉質樸。勤勉謙讓之風。蕩然掃地。漸流傲慢怠惰。奢侈淫靡。牧野文部大臣嘗憂之。特出令飭之。殿下入舍以來。浴水徒步麥飯。以至彼行厨諸事。一遵舍規。大村子爵以下大嘉之。塾生使丁莫不贊歎。皆曰。殿下猶然。

況吾輩微賤乎。殿下年猶弱冠。德器夙成。接其風采者。皆薰若德。而俊邁之氣。毅然不可犯。非上侯爵一見偉之曰。苟得其殿下其人者。以爲皇室藩屏。實國家之福也。

學習院距舍凡二十餘町。殿下必徒步而登校。其登校也。未嘗失時。其勵精刻苦。不獨於學事。如柔道之技亦然。鈴木柔道教師屢稱殿下善其技。殿下常曰。柔道強壯其身。且可以備不虞。殿下在舍四年。未嘗一日廢其課。三十九年六月九日。卒學習院中學第六學年之業。以成績優等受賞。同年秋將入海軍兵學校。凡皇族入學者。不須考試。其不須考試。而入學者。或謂殿下曰。旣得無考試而入學。何苦勉強。殿下不

肯曰。余將同他學生受考試。於是專攻英語數學。且曰。漢文習字二科亦不可忽。則溫習加一時間。以學漢文習字。其勵精率此類。殿下自持甚嚴。遵守舍規。每晨早起。終日勉學。餘力運動。疲極就寢。學生當直者。先起時。巡呼各室促起。至起時再振鈴巡呼。間有不起者。殿下入舍以來。聞巡呼之聲。而後起者。止兩三次。當直者每至其室。殿下既已起。不復煩呼起。

殿下儉德。亦可以爲模範矣。舍規有勤儉貯蓄之條。殿下遵守匪懈。凡舍生諸費一月定爲三圓。每旬給一圓。衆皆苦其不足。殿下每旬所費不過五分一。其餘以充貯蓄。此固雖由邸吏給日常需用品。自非殿下儉德。安能如此乎。一日中央新報記者。隨寺島舍監。觀溫習室。時有一少年端坐。手簿記數字。素朴不飾。服銘仙衣。穿小倉袴。衣袴既皆經濟濯者。一意勉強。如不知人至者。渡邊教師語記者曰。此爲輝久王殿下。殿下徐起禮之。記者惶恐失措。出語人曰。今日謁殿下。追憶能久親王薨于臺灣之役。涕泗交頤。不能自禁。蓋悼能久親王不及見殿下之成立也。聞者皆泣。

舍規曰。整頓寢具。掃除室內。必躬親之。殿下室無點塵。其洗布巾。濯襪。必亦親之。有不得已者。則婉辭以命使丁。使丁有不解。則反覆丁寧申喻。將有所托。會使丁操他事。則曰。俟事

了而後可。未曾以威嚴臨之。使丁復命。則必謝之。平生溫顏接人。不如他人役使丁。是以使丁皆樂爲之用。殿下每出舍。整頓物件。值休課日。出入嚴守時。未嘗失之。憐病者特深。嘗渡邊。教師有寒疾。殿下望其顏色曰。先生方病。請速就寢。乃不終教課。辭而入室。方今諸生傲惰自放。一聞殿下風。可以少愧也。殿下聰明。綜核諸學藝。凡諸生之於學。好惡任意。且欲速成。殿下則不然。日夕溫習諸科。盡力之所及。其最所熟習者爲數學。未嘗參考他書。了解數理之大意。其敷算命題乘除。不復煩師傅。他科亦然。常謂學藝進步之法。要虛心聽教師之言。傾耳默記。不敢一日忽。則有所漸進。積漸彌久。而

後學業可成也。一日與渡邊教師散步郊外。一問一答。悉操英語。其用心於學事。概皆如此。夜間溫習。不欲妨他人之質問。在傍端坐。得問則請教。學科諸書。率背誦之。應酬柬牘。國字英文。各從其來書答之。擲管立書。未嘗滯滯。又謂人在學校。勉強匪懈。固無論耳。假令學已成。器局不可不大。氣魄不可不厚。品性不可不高。而處世之法。亦不可不講。蓋其意以爲。他日立朝廷。參大政。可以當皇族之任。何以盡輔弼之責。始終以此爲念。故其發於外者。和顏溫容可親。可愛。而大山巖巖之氣象。不可得而近狎也。殿下身體壯健。入舍以來。未嘗服湯藥。每日午後歸舍。未嘗失時。運動不忘。夜必溫習。起

臥飲食。浴水體操。一行一動。皆有常度。不失尺寸。舍員嘗聞殿下自持之嚴。及親接音容。殆過所聞。世之學生。鑑於殿下之言行。人誰不興欽仰景慕之念乎。

舍規每晨課水浴。浴室所引水。冬時鐵管水結。烈火暖之半時。水始噴出。而入浴槽也。再復堅凍。生徒晨起。割冰而浴。殿下。則四年之久。未嘗一日廢也。

膏粱子弟。動輒羞飲食之奉不若人。夫君子食無求飽。聖訓具存。而舍生往往以飲食粗薄爲言。高貴之家。食膳豐美。子弟輩習慣成性。一旦入舍。朝夕麥飯蔬菜肉一盂。其所不耐。動則爲不平言。殿下四年之久。而無難色。人皆不知殿下食

嗜好。邸吏亦不言殿下飲食之所嗜。天性淡食味。可以知也。世以喜怒不形於色。爲聖賢之事。殿下接人溫乎。和氣可掬。舍生德川義親。四年間與殿下同起居。未嘗見殿下之慍色云。

舍規冬夏二季之休日。不許諸生之歸家。夏則舍長教師率之。爲修學行旅。就實從物。一一講說。且使貴族子弟通於下情。備嘗辛酸。以養成其忍苦耐辛之性。冬則會集於井上侯爵興津別業。日夕親炙。情如父子。元旦舉杯互祝。且就事試其人格。每年爲例。侯爵謂嗜于算數者。不爲世用。算數不必究深奧。適實用而已。故算數首試利息算。如英語先使讀外

國新報。皆爲供其實用也。諸生不能答其問者。至夜答之。或俟明答之。一日侯爵問諸生曰。卿輩異時欲爲何事。蓋各言其志。其答有不明者。侯爵變色叱曰。蓋過去爲乞丐。其聲如雷。衆皆戰慄而退。故學術不進。言行不正者。一念憶起興津訓戒。不寒而栗。不暑而汗。旣而侯爵溫顏謂曰。叱卿輩如此。亦所以警醒親愛之也。富豪權勢者。願使面命。使人低頭至地。今使貴族子弟而無人色。侯爵之一喝。可謂對症藥石也。親炙於侯爵。被其薰陶如此。宜矣在舍者。品行之正。學藝之進。爲他校之所推重也。

殿下在舍不待以皇族。冬日避寒興津。夏日旅行。皆與衆無異。其試考期至。衆皆孜孜矻矻。唯觸非上侯爵謹是恐。而殿下綽綽有餘裕。不異平日。其考試成績。常爲優等。暇日或擔銃乘艇。出獵。鳧鷗出沒波間。風起艇動。殼道不定。殿下照射一發卽中。衆皆服絕技。非上侯爵以智德體三育法獎勵之。殿下用心於此。常曰。此三者缺一不可。平日講柔道。暇時出遊運動。服膺弗措。尤巧庭球之技。夏季春秋二季旅行。健脚捷步。不後他人。其遠行駕汽車。則常三等。殿下旅裝草靴革幣。人不識其爲貴人。其儉素如此。忠言逆耳。人情之常。況貴族子弟乎。殿下虛己從人。方正自律。無過失可舉。時有告其微過者。則微笑立改之。臨事勇決果斷。胆氣超人。嘗登妙義

山路甚險阻。石稜嶮蹶。殿下信足而進。無少畏難色。又嘗夜攀函嶺。行故道。道極峻隘。會風雨晦冥。使丁把松明者。跌且仆。殿下列先登班。衝暗而前。又嘗登晃山。自足尾至中禪寺。一條樵徑。頑石橫道。利侔劔戟。殿下先衆而進。不一蹉跌。殿下入舍。年甫十四。與衆遊鎌倉。宿某氏別業。別業在光明寺畔。一夜天暗。濤聲洶湧。松杉皆吼。鬼氣逼人。衆曰。蓋各試其膽之勇怯。乃拈鬪定次。登寺背山。殿下次登。寺鳥舍監虞其顛墜。竊從其後。不令殿下知。夜暗咫尺不辨。行十數步。殿下俄止。舍監追至。殿下顧曰。先生歸矣。不然余不復進矣。舍監驚而止。忽聞山上有聲。殿下既在其所擬之地。衆皆聳懼。蓋

殿下體之壯。氣之勇。加之以健脚。是非所勉強得爲也。殿下嘗語人曰。余所得於時習舍極多矣。明年將入海軍兵學校。必能堪困苦。何則。學課之嚴。規律之正。所素養也。殿下勇決果斷。一往勇進。既驗乎拈鬪之時。他日造詣。果爲如何。殿下嘗欲同田淵教師德川義親二人。往觀宮內省之雅樂會。會則必携票片爲證。殿下爲二人多方求之。一年之後。得三票大喜。會值海軍大學校教授進講之日。卽與其票上野伯。不復顧惜。自非好學之深。安能如此。

殿下至孝。出於天性。凱旋觀艦式日。教員舍生乘舟往觀焉。王妃在高島嘉右衛門邸。有旨召殿下。此日士女圍咽。海陸

觀望。無立錫之地。陸眺不若自舟中之近接。而殿下聞召上陸侍王妃。且殿下夙志海軍。而此日觀艦式千歲之一遇。一聞妃命直赴。此一事可以類推其至孝也。王妃教訓甚嚴。殿下休日有事。不得歸舍。則必遣使告故。蓋舍規不許外宿。是以王妃乃爾。殿下入海軍兵學校之期既迫。王妃欲殿下在邸小住。寺島舍監亦然之。殿下謝舍監曰。在舍四年。凡百訓誠自今不得數之。幸有所匡正。其言惻切。出自肺腑。殿下反躬自視。歉然。率此類。舍監感泣久之。

殿下在舍。如前所記。其在學習院亦然。山口院長。和田教授皆曰。殿下在學習院也。起居動作。學生皆取法於殿下。殿下

之意謂。我皇族也。學藝不可不超卓。品性不可不高潔。躬行實踐。德日加進。與殿下同級者。凡四十人。殿下自就學至卒業。其席次不下第三。皇族諸王。與殿下同級者。曰。鳩彥王。曰。稔彥王。曰。載仁王。曰。成久王。凡五人。而鳩彥王以下。或入陸軍幼年學校。或入海軍兵學校。皆半途退院。其卒中學之業者。獨有殿下一人而已。凡考試設甲乙丙丁四等。以定其學術品行之差。檢定之法。自百點以下。八十點以上爲甲。謂之優等。殿下卒業。每學課皆八十點以上。院長特呈贊詞。不獨卒業之時爲然。其學年考試。莫不皆然。殿下平生勤勉溫習。其在講堂。應教師之不時呼名。一一答辯。不少差誤。學術品

行。爲一院學生之模範。凡考試優等者。擢爲班長。請殿下爲之。院有勤務學生之制。每操練。殿下掌小隊長之任。乃上級生徒指揮之幹部也。每有行軍等事。命高等學生爲之。以殿下爲學生模範。特請任之。與殿下同級者。自薰其德。情義親密。常勝他級生徒。殿下在時習舍。修學行旅。爲一學生。在院則不能爲學生微行也。沿道縣官人民。聞之奉迎。特定旅館。其他悉與學生同。

殿下學德行爲。實爲學習院時習舍模範。雖由其天資之美。抑亦有所原焉。蓋基於故能久親王之庭訓有素也。親王爲近衛師團長。其征臺灣時。方盛夏。炎威鑠金。而親王與士卒

分勞苦。草鞋帶劍。攀斷崖。捫絕壁。蠻虜懼其威。三軍泣其恩。而教其子弟。嚴肅不假。不幸陣歿。王妃殿下性聰明。體親王之遺訓。而十數年間。膝下訓育。欲使殿下與他子弟相與切劘。乃使男爵松平正直。請井上侯爵入時習舍。其在舍也。與華族平民子弟。切劘勤勉。學德日進。超然拔群。世稱親王及王妃之德。良有以也。

邸西北數百間。樹木蒼鬱。中有一小屋。環竹垣。長廊接大屋。垣內庭園數間。鋪沙爲體操場。親王爲大阪師團長時。命家宰恩地某築之。以爲讀書之室。是稱學問所。惜親王不及見其成而薨。是時恒久王十四歲。成久王九歲。殿下八歲。其他

二王子。一爲二荒伯爵。一爲上野伯爵。王妃繼親王遺志。居三王子兩伯爵於學問所。乃請學習院教授齋藤恒太郎氏專任教育之責。朝夕定省之外。不許其歸邸。如食膳朝夕饋餉。飲食起居。自幼時皆離婦女之手。王妃慈愛嚴肅如此。後恒久王入士官學校。成久王入近衛砲兵聯隊。兩伯爵各成長。殿下將以明年秋入海軍兵學校。邸內學問所。今無所用。唯留五脚徽標椅子以爲紀念。蓋王妃善繼遺志。教育諸王。使其至成立。親王可以無憾也。

王妃聰明仁慈。教諸子有法。恒久王在士官學校。成久王在近衛砲兵聯隊。殿下在舍暇日歸邸。三王在膝下。或論學。或嬉戲。團樂怡怡。孝友之情。藹然可掬。王妃悅甚。

語曰。斯父而有斯子。親王之志。因王妃而成。殿下之有今日。固非偶然。殿下之入海軍兵學校。學術品行爲衆所欽仰。猶在時習舍學習院之時也。殿下學德之隆。天下所知。他日殿下爲國家干城。將帥模範。始可副天下億兆之望。以藩屏皇室也。

殿下居室在樓上。既卒學習院。入海軍兵學校。衆皆曰。記殿下行履。留樓上所居。以爲名門子弟鑑戒。使後入舍者必就讀之。師殿下學術品行。此爲舍生模範可也。

名門子弟在舍者。前後若干人。而皇族入舍者。殿下一人而

已。同舍皆以爲榮。而殿下四年間。勤勉匪懈。學德與年共進。爲世人之所欽仰。後之入舍者。善學殿下之刻苦勉勵。忍耐以修其業。以立其身。進可以報國家之鴻恩。退可以保父祖之光榮。如此則不獨副元德公之志。冀長無黷殿下之高德矣。

世皆曰。風俗日卑。夫君子之德風也。小人之德草也。草加之風。無不偃之理。天潢貴胄。有如殿下。懿德純行。以立人上。率朝野。於振頹俗。何難之有。周南召南爲風雅文首。俗字從人從谷。山谷小民之謂。所謂小人草偃者。風俗之字義。固如此。如之何。今所指名。大臣巨公。不多

見用心於此根本。風俗卑々。日下一日。無足恠也。

丁巳六月八日夜於鵠沼海莊燈下

道人 千 仞

欽仰錄終

213
1171

明治四十一年十二月二十五日印刷
明治四十一年十二月二十八日發行

欽仰錄奧附

著者兼
發行者

末廣清次郎

印刷者

龜井忠一

印刷所

三省堂印刷部
東京市神田區三崎河岸十二號地


不許
複製

發行所

(振替貯金口座
一五九七番)

三省堂書店

東京市神田區裏神保町一番地



006111-000-3

213-471

欽仰録

末広 清次郎 / 著

M41

ACJ-0060

